

Minister Otmar Oduber y Departamento di Cultura a duna participacion y comienzo na ronda di consultanan cu e sectornan cultural



ORANJESTAD (AAN): Otro siman lo cuminsa rondanan consultativo cu sectornan cultural. Tur esaki ta

sesionnan den preparacion pa e Cumbre Nacional di Cultura pa duna oportunidad na esnan riba tereno di cultura participacion pa yega na un plan di maneho integral di cultura pa futuro generacion.

Director Sr. Siegfried Dumfries a a declara cu na caminda pa e cumbre lo bay tin diferente rondanan consultativo. Pakico e rondanan di consultacion? E contribucion cu lo ricibi di e sectornan lo forma e base di e maneho integral nobo pa pais Aruba.

Pa yega na e Cumbre Na-



cional di Cultura, DCA ta organiza diferente rondanan di consultacion. Esaki ta nifica cu lo sinta cu cada disciplina activo riba tereno cultural na Aruba.

E sectornan ta lo siguiente:

Herencia Cultural, manera museonan, biblioteca, Artesania, Carnaval, Archivonan, Organizacion di Enseñansa, Monumentenzorg, Herencia Cultural intangibel (por ehempel nos costumernan);

Arte, tanto Teatro, Baile, Arte Visual, Arte Plastico, Musica, schoolnan di arte y esunnan cu ta duna curso riba tereno aki;

Media, esaki ta conta pa Literatura, idioma, television, radio, película, documentario y internet;

Fondonan di Subsidio: UNOCA, CEDE Aruba, Prins Bernhard Cultur Fonds, VNO, TPEF, Monumentenfonds, UNESCO y fondonan den union.

Comercio, tambe lo forma parti di e ronda consultativonan aki, manera Hotelnan, IDEA, ATIA, Camara di Comercio, ARINA y Mambo.

Pakico lo sinta cu e actornan aki? Esaki ta pa scuchanan necesidadnan y deseanan for di nan disciplina. Despues di scucha tur e disciplinanan, tur informacion ricibi lo forma e base di e maneho integral di cultura nobo.

Lo cual lo worde palabra

den e rondanan di consultacion lo bin back den e cumbre nacional di cultura cu lo ta riba 29 di april venidero. Despues di e cumbre lo skirbi e plan di maneho integral di cultura di Aruba y lo keda presenta.

Tur actornan, organizacionnan, fundacionnan ta hayando un invitacion cu lo ta saliendo y firma pa nos Minister di Turismo, Transporte, Sector Primario y Cultura Sr. Otmar Oduber y tambe lo haci yamada general di medionan di comunicacion pa tur esnan cu ta interesa por acudi na e momento cultural importante aki pa Aruba. Tur esnan cu no ricibi un invitacion, pa un motibo of otro, considera esaki como un invitacion personal y acudi na un di e ronda consultativo di bo interes. Bo opinion tambe ta conta.

Departamento di Cultura Aruba ta informa cu tur e instancianan involvi por cuminsa na pensa y prepara informacion valioso den realizacion di e Cumbre Nacional di Cultura na beneficio di nos comunidad y pa enriquece e tereno cultural di nos pais Aruba.

**Telefonnan di
DIARIO
582-6747
Fax 582-8551**